

৩

ঠাকুরপকুর ক্যান্সার হাসপাতালের উপকণ্ঠে যাতায়াত হয়ে উঠেছিল একরকমের নৈমিত্তিক রবিবাসরীয় প্রভাতী রুটিন। সন্ধ্যে বেলা যত অনাচারই হোকনা কেন, সকালের ওই অভ্যাসই হয়ে উঠেছিল, বলা চলো তা, বছরে বাহান্নটা রোববারের হিসেবে, কম করে হলেও পঁয়ত্রিশ থেকে চল্লিশটা রবিবার সাতসকালে কেবল চা টুকু চৌটে চেকিয়েই রওনা হতাম ওই এলাকায়, পাওনাদার রূপে। সে সালটা তখন হবে ১৯৮৯ / ৯০.. ডক্টর মনমোহন সিংহ অর্থমন্ত্রী হননি তখনও.. বাবার সাথে হাত টাত ধরে বাজার-টাজারের পাট কবে চুকেবুকে গেছে। রীতিমতন দাঁড়িগোফ কামাই হপ্তায়, দুই কি তিনদিনা বাবা'রও পঞ্চাশের কাছাকাছি বয়স হতে চলেছে। আমি বারো ক্লাস কোনক্রমে পাশ করে, বিজ্ঞানের আর ইঞ্জিনিয়ারিং'এর দরজায় রাম-হৌচট খেয়ে কমার্স পড়া ধরেছি।

ওই বলতেই বলেনা?... বি কম্ মানেই বুদ্ধি কম। সেই বি কম্ আমার মা তো, তখন বড়ছেলে বি কম্ পড়ছে বলতে বেশ লজ্জাই পেতেন বোধহয়। আর সকালের যুগে, আমাদের নিম্নমধ্যবিত্ত পরিবেশে, পড়শী, পরিজনেরা ভীষণ বেশিরকম কৌতুহলী.. মাত্রাতিরিক্ত উৎসুক ছিলেন, কার ছেলে কি পড়ছে, কি করছে, জয়েন্টে চান্স পেল কিনা, ফাস্ট ডিভিশন, লেটার, এইসব অবাস্তব মেধাভিত্তিক অঙ্কতো।

ছেলের তুলনায় মেয়েদের ব্যাপারটা ছিল অপেক্ষাকৃত সহজ। বিয়ে হল কিনা, আর বিয়ে হলে বরের মাইনেকড়ি, কি কি গয়না দিলো, ক গাছা চুড়ি, শ্বশুরবাড়ীর দুটো শস্তা গল্পগাছা, ইত্যাদি। মেয়ে সেকেন্ড ডিভিশনে গেলেও মর্যাস্তিক ক্ষতির আশঙ্কা তুলনামূলক ভাবে কম.. যোগমায়া, মুরলীধর, বাসন্তী দেবী'ও চলবে। আর ভাল নম্বর পেয়ে প্রেসিডেন্সি, ব্রের্ন, যাদবপুর হলে তো সোনায়ে সোহাগা। তা সে যে সাবজেক্টই হোক না কেন।

আমার মায়ের সেসময় বয়স বোধকরি বছর বিয়াল্লিশ তেতাল্লিশ হবে। দৈনন্দিন সাংসারিক টানাটানিতেই হবে হয়তো, নতুবা নিতান্তই স্বভাববশত কারণে, আত্মাভিমান বড় বেশি পরিমাণে দেখা দিত। যেন প্রশংসাই হতেই হবে ওই একটিমাত্র সম্বল বড় পুতুরটিকে। মায়ের শ্লাঘার বিষয় বলতে ছিল মূলত

পাঁচটি হাতে গোনা প্রসঙ্গ, এক - সরু চালের গরমভাত, দুই - সুনীল শীর্ষেন্দুর সাম্প্রতিক উপন্যাস, তিন - গরমকালে রাতের বেলায় বনবন করে মাথার ঠিক উপরে বেজায় জোরে পাখা, চার - ইনস্টলমেন্ট অর্থাৎ কিনা মাসিক কিস্তিতে বছরে দুচারখানা শাড়ী। আর সবচাইতে মুখ্য অভীষ্ট হল বড়টি কে সত্যিকারের বড় করে তোলা। আর কিচ্ছুটি নয়।

সেই বড়ছেলেই কিনা চরম ফাঁকিবাজিতে, জয়েন্টে গাড্ডু? ব্যাপক ধাক্কা খেয়েছিল মায়ের এহেন আত্মগৌরব। তবু হালটি ছাড়েননি.. এই যেমন, কেউ যদি ছট করে হঠাৎ জিজ্ঞাসা করে বসত, ছেলে কি করছে গো? মা অবলীলাক্রমে বি কম্ না বলে, চটজলদি বলে দিতেন, এই তো.. সেন্ট জেভিয়ার্স কলেজে ঢুকল। সত্যি কথাই বলেছেন, এক বর্ণ মিথ্যে নেই এতো। আর বলে ফেলেই একটা গর্ব মেশানো সাফল্যের হাসি। কি ছাতার মাথা যে ছেলেটি পড়ছে সে কলেজে, সে আর স্পষ্টভাবে খোলাখুলি বলতেন না। অনায়াস দক্ষতায় কাটিয়ে যেতেন। বলা বাহুল্য, প্রশ্নকর্তাও নিম্নমধ্যবিত্ত ঘরেরই কেউ হবেন, ওই সামান্য সেন্ট জেভিয়ার্স নামেই ক্লীন বোল্ড। কেউ যদি দু চার কথা বেশি বলেন.. সঙ্গে সঙ্গে স্বামী স্ত্রী একজোট হয়ে পাখিপড়া বুলি আওড়াতেন, ইঞ্জিনিয়ারিং'এর জামানা শেষ.. হবেটা কি? চার্টার্ড বানাব ভাবছি ছেলেকে.. আর ডাক্তারির ঝুঁকিটা ভেবে চিন্তেই নিলামনা, বুঝলেন? ও বড্ড সময় লাগে দাঁড়াতে।

আমার কলেজ ছিল সকাল ছ'টায়। দশটায় আগেই ছুটি ক্লাস শেষে, বিড়ি টিড়ি ফুঁকে, আড্ডায় গানে, আরও অনেক প্রকার লেখার অযোগ্য অধমতম অকর্ম কুকর্ম করে, বিনাটিকিটের ট্রামে চেপে দুপুর বারোটায় বালিগঞ্জের বাড়ী (ঢাকুরিয়া'র মাসি'দের বাকীটা না'হয় পরবর্তী কিস্তিতে হবে)।

কয়েকটি হাতে গোনা কোচিং ক্লাসটাসও থাকত সন্ধ্যার দিকে, তা সে না গেলেও চলো। আর বাকী সময়? নিখাদ বাংলা 'ঠেক' বলতে যা বলে, এককথায় তাই। তার সাথে আর পাঁচটা বিশ্ববকাটে ছেলের মতই, মাঝে মধ্যেই একটু ব্রিজ খেলায় হাত পাকানো, একটু ক্যারাম, লেবু চায়ের দোকান.. যাকে বলে একদম দিনগত পাপক্ষয়া। ওই লোকাল কমিটি, পাটি অফিস, নাগরিক কমিটি টুকুই যেটুকু বাকী পড়েছিল। নইলে এক্কেবারে নিয়মানুগত বাঙালী বেকার যুবক.. বি কম্ পড়ে, ঘরের খায়, আর তাড়ায় বনের মোষ।

তখন সবদিনই মনে হয় রবিবার। কাজ নেই তো খই ভাজ্ গোছের গতানুগতিক জীবনক্রমা বাবা তো চিরকালই গভীর প্রকৃতির ছিলেন, দরকার ছাড়া কথা কমই বলতেন ছেলের সঙ্গে। এমনকি, আমার কৌতুকপ্রিয় মা'কেও সময়ে অসময়ে আমার প্রতি অলম্ব্য ব্যবহার করতে দেখেছি। বেকারত্ব আর সম্ভবত, ঐ কালান্তক জয়েন্ট এন্ট্রান্সটা বড়সর একটা ধাক্কা দিয়ে গিয়েছিল আমার মা'য়ের মনো। এমনকি, বেশ দুচারটে রোববারে বাবা মা একত্রে সন্ধ্যার দিকে বেড়িয়ে বন্ধিমবাবুটাবু দের কাছে কুষ্টিবিচারও করিয়ে একটা রূপোয় বাঁধানো পান্না'র আংটি'ও পড়িয়ে দিলেন আমার ডান হাতের মধ্যমা'য়া। যদি ছেলের মতি স্থির হয়। পান্না শুনেছি 'বুধ' কন্মের ওষুধ.. আর বুধের অভাব মানেই বুঝতেই হবে যে বুদ্ধি কম.. এক কথায় বি কন্ম।

মা বাবার মন কাড়তে নিজে নিজেই ভেবে ঠিক করেছিলাম, অগত্যা রোজগার করাটা আবশ্যিক। তখন বি কন্ম পড়ুয়া গড়পড়তা সত্তর ভাগ বাঙালী মধ্যবিত্ত ঘরের ছেলেপুলে হয় প্রেম করত, নয় প্রেমের আশ্রয় প্রতিনিয়ত চেষ্টা (যেটিকে পরিভাষায় হুক বলা হত, এখনও হয়তো তাই'ই বলা হয়)। বাকী তিরিশ ভাগের কুড়ি ভাগ নিছক বাপের হোট্টেলে খেয়ে থেকে, গ্রুপ থিয়েটার বা তথাকথিত নন্দন একাডেমি চত্বরে গাঁজা আর বেকসুর আঁতলেমি। বাকী দশের, আটটি সিপিএম, দুটি কংগ্রেস (দিদি ছিলেন স্বমহিমায়, কিন্তু তিনোমূল তখনও হয়নি কিনা)। কি প্রকারে যে সেই আট দুই'এর হিসেব এখন দুই আটে এসে ঠেকল, তার বিবরণ না হয় অন্য কোনো সময় দেওয়া যাবো। সেও বঙ্গজীবনের এক অঙ্গ বৈকি।

মিঠুন'দা তখন নায়ক হিসেবে অস্তগামী। জ্যাকি শ্রফ, অনিল কাপুর ও সানি দেওল হয়ে উঠেছিলেন হিন্দি ছবির নয়া মানদণ্ড (বাপরে!) আর তাঁরই কিনা মহৎ প্রেরণায়, সে সময় বডি বিল্ডিং নামক একটি নেশাও ঘোরতর পেয়ে বসেছিল যুব সমাজকো। অবশ্য উচ্চবিত্তদের মধ্যে সে নেশা বেশী প্রকট হত। সে পথ মাড়াইনি অবশ্য কোনদিনই। একেই বুদ্ধি কম, তার ওপর নিশ্চিত ধারণা ছিল, লোহা লব্ধর মাথার উপরে তুলেলে যদি বুদ্ধি যায় আরও কন্মে?

আমার কাছে তখন দিন মানেই রোববার, গান মানেই কুমার শানু, আর সময় কাটানো মানেই বন্ধুভাবাপন্ন বেকার জীবন। ধূপধুনো দিয়ে ঠেক মারতে বসি সন্ধ্যাবেলা ঠিক ছটায়.. চা সিগারেটে তুফান তুলে.. বাড়ী ঢুকতে ঢুকতে ন'টা সোয়া ন'টা। মাঝে মধ্যে

দেখতাম আমার পুত্রতুল্য ছোট ভাইটি তার দাদার আড্ডাঠেকের সামনে দিয়ে ঘুরে গেল এক দুই বার। বুঝতাম, মা গুপ্তচরের কাজে লাগিয়েছেন শিশু ভোলানাথ'টিকে।

দুর্ভাগ্যক্রমে টিউশনিও বরাদ্দ ছিল তথাকথিত ইঞ্জিনিয়ারিং'এর ছাত্রদের। বললাম না, কথায় বলে, বি কন্ম মানেই বুদ্ধি কম। ছাত্রের মা'ও খুঁজছেন যাদবপুর শিবপুরের সম্ভাবনাপূর্ণ, মোটা ফ্রেমের চশমাধারী, হাতে টি (জ্যামিতিক যন্ত্র) বহনকারী ভবিষ্যতের ইঞ্জিনিয়ারকেই। আরে বাবা, ওটুকু ত্রিকোণমিতি আমিও জানি, ক্যালকুলাস আমিও খেয়েছি গুলে, কে বোঝাবে কাকে? হয় ওই থোড়বড়িখাড়া দিনগুলোর স্বাদবদল করতে, নয় বাপ মা'র কাছে একটু নাম কিনতেই বেছে নিয়েছিলাম ঠাকুরপকুর। সেও ওই সেই প্রতি রোববার রোববার, সকালের দিকটায়.. কারণ সন্ধ্যা বেলায় যাত্রা নাস্তি.. বিভিন্ন ঠেকে আড্ডা জমানোর গুরুদায়িত্বটা যে কেবল আমরা।

রবিবারে সন্ধ্যাল সন্ধ্যাল হানা দিতাম প্রবীরবাবু (আসল নাম বদল করা হয়েছে) নামে এক নিতান্ত অসাধু প্রতারকের ডেরায়া। ঠাকুরপকুরো আমার বাবার কষ্টার্জিত বেশ হাজার চল্লিশেক টাকা মত, জমি বেচার নাম করে গাপ করে দিয়েছিলেন, ঐ দালাল ভদ্রলোকটি রোববার গুলো চলে যেত, ওঁর বেআইনি কাজকন্ম বনাম আমার নিষ্পাপ, হলচাতুরীহীন, অনাড়ম্বর ভাবে ঘন্টার পর ঘন্টা ওঁর দালানে বসে সময় কাটানো। প্রথম দিকে বেশির ভাগ রবিবার গুলো ফুটিয়ে দিতেন ভুজুং ভাজুং আবোল তাবোল স্তোকবাক্য দিয়ে। পরে দেখলেন ছেলের পাওনাদারির অধ্যবসায়। আন-সান না বকে, শেষের দিকে রোজই প্রায়ই নিয়মিত দুপাঁচশো দিতেন, প্রতি রোববারো। যদুর মনে পড়ে, বাবার পাওনা টাকা জোগাড় করেছিলাম সবমিলিয়ে প্রায় হাজার দশেক.. জীবনের চল্লিশটি রোববারে দশটি হাজার! তা নিতান্ত মন্দ নয় ওই বেকার জীবনো ওই আমার আঠারো বছর বয়সের প্রথম রোজগার। বাবার পাওনা টাকা বাবার হাতে তুলে দিতে পেরে, সে কি চমৎকারিত্ব, কি গুমর.. সে পাওনাও তো রোববার বলেই সম্ভব হল!

আহারে! ওই অসীম অধ্যবসায়, ওই ঐকান্তিকতা যদি নিরেট ফাঁকি না মেরে জয়েন্টে দেখাতাম, আজ অ্যাড্বিনে খাঁটি পাক্সা ইঞ্জিনিয়ার.. মা'র মুখে নিশ্চিত দেখা যেত অমলিন যুদ্ধজয়ের হাসি.. (অবশ্য সত্যিই যে বাজার দেখছি ইদানীং, কদিন মা'য়ের মুখে সে হাসি

অনির্বাক দাশগুপ্ত ● রোববার ধারাবাহিক স্মৃতিকথন

টিকতো, তা বন্ধিমবাবুরও বলা অসাধ্য..).. তা যাই হোক, আর কিছু না হলেও, মা ও বাবাকে অবিচল থাকতেই দেখেছি, দশটি হাজার নগদ পেয়ে গিয়েও।

কাজের মধ্যে শুধু মধ্যমা'র পান্না'টি রূপো ছেড়ে সোনায় বাঁধিয়ে দিয়েছিলেন বাবা মা.. পাথরে কাজ দিচ্ছে বলে কথা..

ক্রমশ....